

樂府詩集

樂府詩集卷第六十三

太原

郭茂倩

編次

雜曲歌辭

羽林郎

辛延年

漢書曰武帝太初元年初置建章營騎後
更名羽林騎屬光祿勳又取從軍死事之
子孫養羽林官教以五兵號羽林孤兒顏
師古曰羽林宿衛之官言其如羽之疾如
林之多一說羽所以爲主者羽翼也後漢
書百官志曰羽林郎掌宿衛侍從常選漢
陽隴西安定北地上郡西河六郡良家補

之地里志曰漢興六郡良家子選給羽林
是也又有胡姬年十五亦出於此

昔有鬢家姝姓馮名子都依倚將軍勢調笑酒家胡胡
姬年十五春日獨當壚長裾連理帶廣袖合歡襦頭上
藍田玉耳後大秦珠兩霍何窈窕一世良所無一鬢五
百萬兩鬢千萬餘不意金吾子娉婷過我廬銀鞍何煜
燭翠蓋空踟躕就我求清酒絲繩提玉壺就我求珍肴
金盤鱸鯉魚貽我青銅鏡結我紅羅裾不憚紅羅裂何
論輕賤軀男兒愛後婦女子重前夫人生有新故貴賤
不相踰多謝金吾子私愛徒區區

羽林行

王建

長安惡少出名字樓下劫商樓上醉天瞞下直明光宮
散入五陵松柏中百回殺人身合死赦書尚有收城功
九衢一日消息定鄉吏籍中重改姓出來依舊屬羽林
立在殿前射飛禽

同前

孟郊

朔雪寒斷指朔風勁裂冰胡中射鵰者此日猶不能翻
翻羽林兒錦臂飛蒼鷹揮鞭決白馬走出黃河凌

同前

鮑溶

朝出羽林宮入參雲臺議獨請萬里行不奏和親事君
王重年少深納開邊利寶馬雕玉鞍一朝從萬騎煌煌
都門外祖帳光七貴歌鍾樂行軍雲物慘別地簫笳整

部曲幢蓋動郊次臨風親戚懷滿袖兒女淚行行復何
贈長劒報恩字

胡姬年十五

劉琨

虹梁照曉日淶水泛香蓮如何十五少含笑酒壚前花
將面自許人笑影相憐回頭堪百萬價重爲時年

當壚曲

梁簡文帝

漢書曰司馬相如與卓文君俱之臨邛盡
賣車騎買酒舍乃令文君當壚相如身自
著犢鼻褌與庸保雜作滌器於市中郭璞
曰盧酒盧也顏師古曰賣酒之處累土爲
盧以居酒甕四邊隆起其一面高形如鍛

盧故名盧當壚曲蓋取此也

十五正團團流光滿上蘭當壚設夜酒宿客解金鞍迎
來挾琴易送別唱歌難欲知心恨急翻令衣帶寬

同前

范靜妻沈氏

逶迤飛塵唱宛轉遶梁聲調弦可以進蛾睂畫未成

齊瑟行

歌錄曰名都美女白馬竝齊瑟行也曹植
名都篇曰名都多妖女美女篇曰美女妖
且閒白馬篇曰白馬飾金羈皆以首句名
篇猶豔歌羅敷行有日出東南隅篇豫章
行有鴛鴦篇是也

名都篇

曹植

名都者邯鄲臨淄之類也以刺時人騎射之妙游騁之樂而無憂國之心也

名都多妖女京洛出少年寶劒直千金被服光

麗一作且

鮮鬪雞東郊

長一作安

道走馬長楸間馳驅未能半雙兔過

我前攬弓捷鳴鏑長驅上南山

一作驅上彼南山

左挽因右發

一縱兩禽連餘巧

一作功

未及展仰手接飛鳶觀者咸稱

善衆工歸我妍歸來宴平樂美酒斗十千膾鯉膾胎鰕

炮鼈炙熊蹯鳴儔嘯匹旅列坐竟長筵連翩擊鞠壤巧

捷惟萬端白日西南馳光景不可攀雲散還城邑清晨

復來還

美女篇

曹植

美女者以喻君子言君子有美行願得明君而事之若不遇時雖見徵求終不屈也

美女妖且閑采桑歧路間柔條紛冉冉葉落何翩翩攘袖見素手皓腕約金環頭上三

金一作

爵釵腰佩翠琅玕

明珠交玉體珊瑚間木難羅衣何飄飄輕裾隨風還顧眄遺光采長嘯氣若蘭行徒用息駕休者以忘餐僭問女何居乃在城南端青樓臨大路高門結重關容華耀朝日誰不希令顏媒氏何所營玉帛不時安佳人慕高義求賢良獨難衆人徒嗷嗷安知彼所觀盛年處房室中夜起長歎

同前

傳玄

笑入一何麗顏若芙蓉花一顧亂人國再顧亂人家未
亂猶可奈何

同前

梁簡文帝

佳麗盡關情風流最有名約黃能効月裁金巧作星粉
光勝玉靚衫薄擬蟬輕密態隨流臉嬌歌逐軟聲朱顏
半已醉微笑隱香屏

同前

蕭子顯

章丹斃輟舞已姬請罷弦佳人淇水出豔趙復傾燕繁
穠旣爲李照水亦成蓮朝酤成都酒暝數河間錢餘光
幸未俗蘭膏空自煎

同前二首

魏 收

楚襄遊夢去陳思朝洛歸參差結旌旆掩靄頓驂駢變
化看臺曲駭散屬川沂仍令賦神女俄聞要宓妃照梁
何足豔昇霞反奮飛可言不可見言是復言非□□□
□□我帝夏朝衣擅寵無論賤入憂不嫌微智瓊非俗
物羅敷本自稀居然陋西子定可比南威新吳何爲誤
舊鄭果難依甘言誠易汙得失定因機無憎藥英妬心
賞易侵違

同前

盧 思 道

京洛多妖豔餘香愛物華恒臨鄧渠水共採鄴園花時
搖五明扇聊駐七香車情疎看笑淺嬌深眄欲斜微津

染長黛新溜溼輕紗莫言人未解隨君獨問家

白馬篇

曹植

白馬者見乘白馬而爲此曲言人當立功
立事盡力爲國不可念私也樂府解題曰
鮑照云白馬騂角弓沈約云白馬紫金鞍
皆言邊塞征戰之事

白馬飾金羈連翩西北馳偕問誰家子幽并遊俠兒少

小去鄉邑揚聲

一作名

沙漠垂宿簪秉良弓楛矢何參差

控弦破左的右發摧月支仰手接飛猱俯身散馬蹄狡

捷過猿猴勇剽若豹螭邊城多警急胡虜

一作虜

數遷移

羽檄從北來厲馬登高堤右驅蹈匈奴左顧陵鮮卑寄

身鋒刃端性命安可懷父母且不顧何言子與妻名編

一作壯

士簪

一作高名壯簪

不得中顧私捐軀赴國難視死

忽如一作若歸

同前

袁淑

劒騎何翩翩長安五陵間秦地天下樞八方湊才賢荆
魏多壯士宛洛富少年意氣深自負肯事郡邑權簪簪
關外來車徒傾國鄺五侯競書幣羣公亟爲言義分明
於霜信行直如弦交歡池陽下畱宴汾陰西一朝許人
諾何能坐相捐影節去函谷投珮出甘泉嗟此務遠圖
心爲四海懸但營身意遂豈校耳目目前俠烈良有聞古
來笑知然

同前

鮑照

白馬騂角弓鳴鞭乘北風要途問邊急雜虜入雲中閉
壁自往夏清野逐還冬僑裝多闕絕旅服少裁縫埋身
守漢境一作節沉命對胡封薄募塞一作雪雲起飛沙被遠
松含悲望兩都楚歌登四墉丈夫設計誤懷恨逐邊戎
棄一作罷別中國愛要冀胡馬功去來今何道單賤生所
鐘但令塞上兒知我獨爲雄

同前二首

孔稚圭

驥子踰且鳴鐵陣與雲平漢家嫖姚將馳突匈奴庭少
年鬪猛氣怒髮爲君征雄戟摩白日長劒斷流星早出
飛狐塞晚泊樓煩城虜騎四山合胡塵千里驚嘶笳振

地響吹角沸天聲左碎呼韓陣右破休屠兵橫行絕漠

表飲馬瀚海清

一作江

隴樹枯無色沙草不常青勒石燕

然道凱歸長安亭縣官知我健四海誰不傾但使彊胡滅何須甲第成當令丈夫志獨爲上古英

白馬金貝裝橫行遼水傍問是誰家子宿衛羽林郎文
犀六屬鎧寶劍七星光山虛弓響徹地迴角聲長宛河
推勇氣隴蜀擅威彊輪臺受降虜高闕翦名王射熊入
飛觀校獵下長楊英名欺衛霍智策蔑平良島夷時失
禮卉服犯邊疆徼兵離薊北輕騎出漁陽集軍隨日暈
挑戰逐星芒陣移龍勢動營開虎翼張衝冠入死地攘
臂越金湯塵飛戰鼓急風交征旆揚轉鬪平華地追奔

掃帶方本持身許國況復武功彰會令千載後流譽滿
旂常

同前

沈約

白馬紫金鞍停鑣過上蘭寄言狹斜子詎知隴道難赤
坂途三折龍堆路九盤冰生肌裏冷風起骨中寒功名
志所急日暮不遑食長驅入右地輕舉出樓蘭直去已
垂涕寧可望長安匪期定遠封無羨輕車官唯見恩義
重豈覺衣裳單本持驅命荅幸遇身名完

同前

王僧儒

千里生冀北玉韜黃金勒散蹄去無已搖頭意相得豪
氣發西山雄風擅東國飛鞚出秦隴長驅繞岷楚承謨

若有神稟算良不惑滯汨河水黃參差嶂雲黑安能對
兒女垂帷弄毫墨兼弱不稱雄後得方爲特主恩亦何
已君恩良未塞不許跨天山何由報皇德

同前

徐悱

研蹄飾鏤鞍飛鞚度河干少年本上郡遨遊入露寒劒
琢荆山玉彈把隋珠九聞有邊烽急飛候至長安然諾
竊自許捐軀諒不難占兵出細柳轉戰向樓蘭雄名盛
李霍壯氣勇彭韓能令石飲羽復使髮衝冠要功非汗
馬報効乃鋒端日沒塞雲起風悲胡地寒西征馘小月
北去腦烏丸歸報明天子燕然石復刊

同前

王胄

白馬黃金鞍蹀躞柳城前問此何鄉客長安惡少年結
髮從戎事馳名振朔邊良弓控繁弱利劍揮龍泉披林
扼彫虎仰手接飛鳶前年破沙漠笈歲取祁連折衝摧
右校擐旗殪左賢虎彌還謝力慶忌本推僊海外平遐
險來庭識負塞三韓勞薄伐六事指幽燕良家選河右
猛將征西山浮雲屯羽騎蔽日引長旃自矜有餘勇應
募忽爭先王師已得雋夷首失求全鼓行徇玉檢乘勝
蕩朝鮮志勇期功立寧憚微軀捐不羨山河賞唯希竹
素傳

同前

辛得源

任俠重芳辰相從競逐春金羈絡赭汗紫縷應

一作紫
陌映紅